


Hac figura diligenter expressimus, qua ratione ciuitas olim constructa, aggere, fossa recens ducta, atq; in hac constructis propugnaculis, contra praesentes bellorum necessitates praemunienda sit, suo cuiq; literarum indice adscripto.



Vius operis consummatio à nobis efflagitare videtur, vt & de tormē-
tis quibus in repugnatione vsus est, obiter quādam perstringamus.
Maioribus itaq; bombardis perpetuò aggeri tutando destinatis, nihil
opus est rotis perinde magnis atq; illis, quæ in expeditionem conue-
henda sunt. Ac me iudice vt quæq; rotis maximè humilibus deferuntur, ita in
aggeri expeditissimæ fuerint. Nam & facilius onerari instruiq; possunt, & eia-
culationis impulsu non ita retrorsum deturbantur, cum libramento egrius ob-
sequuntur. Quanquam vt in totius operis reliquo, ita hic quoq; neminem im-
pedio, quo minus sequatur, quod & magis ex vsu, & praestantius sibi videatur,
& si à meis præceptionibus alienū. Deinde id quoq; consulero, vt vertibulum
in eam rem peculiariter fabricatū, ponē bombardę scapulis ita accommodetur,
vt quoties destinatione exacta opus sit, reuulsū dirigendi facultatem adiuter.
Consimiliter hoc quoq; vsus commoditas exigit, vt bombardarum scapulæ seu
lintres, quā terræ accumbunt, cylindris vtrinq; instructa, vtroq; versum prout
dirigendi ratio persuaferit, & momento, & labore facili impellantur. Atque
in hunc item vsu vertebra peculiariter destinabitur, qua accommodata tota
machina faciliè transferatur, quāq; versus eius dirigendæ occasio postulauerit.